



Publicaziuns dalla vischnaunca, jamna 6

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2022-1075.000

Societad sempla Alp Run Mustér, Via Run 6, 7180 Disentis/Mustér;
sanaziun ed amplificaziun dil provediment d'aua, parcella 2548, Alp Run, 7180 Disentis/Mustér.

Nr. 2023-1024.001

Ivo & Gisela Kreiliger, Via Pervenda 9, 7180 Disentis/Mustér;
midada da project: sanaziun dalla casa da habitar, construcziun d'in niev carport ed adattaziuns dil contuorn,
niev tetg sur il plaz da seser, niev cundrez fotovoltaic sin il tetg e nova repartaziun dalla surfatscha da
habitar, parcella 627, Via Pervenda 9, 7180 Disentis/Mustér.

Nr. 2023-1083.000

Vischnaunca Disentis/Mustér, Via Cons 2, 7180 Disentis/Mustér;
remplazzament da differentas casas da rimnar rumien entras molocs e niev moloc a Buretsch,
parcella 167 - Via Buretsch 4, 7186 Segnas, parcella 739 - Via Gonda 12, 7180 Disentis/Mustér,
parcella 810 - Via Raveras 16, 7180 Disentis/Mustér, parcella 959 - Via da Scola 5, 7180 Disentis/Mustér.

Nr. 2023-1086.000

Andreas Stefan & Birgit Herbster, Bielstrasse 37, 4104 Oberwil BL; construcziun d'ina finiastra da tetg
supplementera, parcella 23, Via Peisel 2, 7186 Segnas.

Nr. 2024-1000.000

Tobias Schuster & Larissa Fry Schuster, Via Alpsu 33, 7180 Disentis/Mustér; engrondaziun dalla surfatscha
da habitar, parcella 625, Via Raveras 21, 7180 Disentis/Mustér.

Uffeci da baghegiar Disentis/Mustér



Annunzias da baghegiar

All'instanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau ils suandonts projects:

Nr. 2024-2004.000

Pius Desax, Via Sogn Gions 3, 7180 Disentis/Mustér;
niev cundrez fotovoltaic sin il tetg, parcella 770, Via Sogn Gions 3, 7180 Disentis/Mustér.

Nr. 2024-2005.000

Ignaz Duff, Via Clavaniev 29, 7180 Disentis/Mustér;
niev tetg da schurmetg sur igl esch-casa, parcella 1374, Via Clavaniev 29, 7180 Disentis/Mustér.

Nr. 2024-2006.000

Silvan Manetsch, Via Sogn Valentin 30, 7183 Mumpé Medel; remplazzar ed engrondir porta-clavau, parcella 2434, Via Stagias 6.2, 7180 Disentis/Mustér.

Nr. 2024-2007.000

Severin Lutz, Via Veier 8, 7180 Disentis/Mustér; sanaziun dil mir da betun e remplazzar seiv, parcella 984, Via Veier 8, 7180 Disentis/Mustér.

Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna **venderdis, ils 16 da fevrer 2024**, allas 19.30 ella stanza da sedutas Cumiera sper la cafetaria el Center Fontauna.

Tractandas:

1. Protocol 28-2021/2024
2. Cumissiun da baghegiar: Elecziun pigl onn 2024
3. Via Cons: Project e credit per la sanaziun dalla via ed il remplazzament dalla canalisaziun sco era la separaziun dall'aua da plievgia (messadi 49-2021/2024)
4. Ura da damondas (conform ad art. 44 dil regulativ da fatschentas)

Il president dil cussegl da vischnaunca



Nus encurin Tei – Encuretq gidontras e gidonters per la fiasta naziunala

Era uonn ha puspei liug la fiasta d'emprem d'uost cun in divertent program accumpignont.

La vischnaunca Disentis/Mustér tscherca uniuns che segidan da realisar ina biala sera divertenta per indigens e hosps.

Per las uniuns eis ei era ina pusseivladad d'emplenir in tec la cassa dall'uniun, guder ina flotta sera e segidar da crear in'atmosfera attractiva en vischnaunca.

Per damondas/annunzias saveis contactar: cwetzel@disentis.ch / 081 920 36 36

Bunas ideas ein adina beinvegnidas!

Bien engraziament per Vies engaschi.

Suprastonza communal Disentis/Mustér

Evangelisch-Ref. Kirchgemeinde Cadi

Concert digl orchester: «Neuen Zürcher Orchester», 25 da fevver 2024 allas 17.00 el Center Aua Viva - Mustér. Suent 2023 selegrein nus, da puspei annunziar in concert digl orchester «Neuen Zürcher Orchester» - cun ses rodund 30 musicantas e musicants dil «NZO» - sut la bigetta da Martin Studer.

L'entrada ei gratuita – collecta.

Konzert mit dem «Neuen Zürcher Orchester», 25. Februar 2024 um 17 Uhr im Gemeindezentrum Aua Viva, Disentis. Nach 2023 freuen wir uns, einen Auftritt des «Neuen Zürcher Orchester» mit rund 30 Musikerinnen und Musiker des «NZO» unter der künstlerischen Leitung vom Martin Studer, bekannt zu geben.

Der Eintritt ist frei, es wird eine Kollekte erhoben.

Biblioteca populara Disentis/Mustér e contuorn

Kino da cudischs da maletgs cun Mats, la miur

Has ti plascher da vegnir en biblioteca e tedlar marvegliusas historias ord cudischs da maletgs?

Venderdis, ils 9 da fevver 2024 allas 14.30 legin nus avon e mussein vid ina gronda preit ils maletgs ord in cudisch da maletgs. L'occurrenza ei adattada per tut ils affons che san gia tedlar tier bein. Naturalmein astgas ti era prender cun tei tia mumma ni in'otra persuna.

Nus selegrein zun fetg sin tei.

Mats, la miur ed il team dalla biblioteca

Robotic en biblioteca

Mesjamna, ils 14 da fevver 2024 allas 13.30 - 15.30 sas ti explorar ed experimentar cun roboters en biblioteca.

Sin tia viseta selegra il team dalla biblioteca



Fiera Nepalesa sil plaz dil Catrina Resort

Mesjamna, ils 14 da fevrer 2024 dallas 15.00 – 18.00. Guida da muntogna e Sherpas dalla Nepal Mountain Ski Academy passentan zaconts dis a Mustér per far in cuors da skis. Ensemen cun els organischeschan las Pendericulas Mustér ina pintga fiera cun products e spezialitads da Nepal sil plaz dil Catrina Resort – ina buna caschun dad emprender d'enconuscher la tiara e quei interessant project.

Nus selegrein sin Vossa viseta.

Ulteriuras informaziuns dattan bugen las Pendericulas Mustér – info@catrina.swiss.

Invitaziun SENIORA-CA

Gievgia, ils 15 da fevrer 2024 en PUNTREIS allas 13.45.

Tema: «Sin viadi» cul quart cudisch da sur Martin Bearth! La prelecziun che vegn fatga digl autur e da Linus, vegn enramada da Gabi Derungs, cantadur/autur! Cordial beinvegni a tuttas e tuts, prende la caschun!

team SENIORA-CA

Meisa da miezdi organisada da SENIORA-CA e PUNTREIS

Entschatta: allas 12.15 en l'Ustria PUNTREIS. Gentarcun treis tratgas inclusiv aua dalla spina ed 1 caffè. Annunzia entochen allas 9.00 dil di alla PUNTREIS (tel. 081 929 56 56)

La meisa da miezdi ei aviarta per mintgin/a.

Post d'informaziun SENIORA-CA

Scursalada cun viseta da Snowli

La gruppa dil «ressort affons» envida tut ils affons entochen quater onns cun ina persuna carschida e fargliuns ad ina scursalada communabla sil Sax.

Silsuenter vegn offeriu in pign sitg.

Prendi vossa scarsola ni vies bob sut bratsch e cun empau cletg survegn era vies affon ina pintga sorpresa dil snowli. **Mesjamna, ils 14 da fevrer 2024** allas 9.30 sil Sax tier il Tipi

Annunzias entochen ils 12 da fevrer tier Adela Bisquolm, 079 561 85 91 ni Carla Flury, 078 716 85 44.
